



DRINK OP DE TOEKOMST

DAGBLAD DE LIMBURGER

Limburgs Dagblad



Rabobank



electro paulus meerssen bv

www.stichtinglvk.nl

ontwerp: plan b projecten
Drukkerij: Van der Linden



LVK finale



Limburgs Vastelaovesleedjes Konkoers
10 Fibberwarie 2006 Tennishal Stein

**LIMBURG
LIVE**
L1 TV FM TXT .NL



DRINK OP DE TOEKOMST



plan



Gemeente *Stein*



LVK finale



KEULERS



DRUKKERIJ



Dit weekend had nooit tot stand kunnen komen zonder de onvoorwaardelijke steun van de leden van VV De Steinder Bok, onze sponsors (zie pagina 2) en alle vrijwilligers. Zowel tijdens alle voorbereidingen afgelopen jaar als tijdens deze dagen konden wij rekenen op een legioen medewerkers van verenigingen uit Stein en omstreken. In één woord:

Geweldig!

Stichting Maasland Promotion

Wil Pepels
Ton Sleijpen

Loe Hameleers
Thé Duckers



DAGBLAD DE LIMBURGER

Limburgs Dagblad

WWW.MAASLANDPROMOTION.NL

‘t Limburgs Vastelaovesleedjes Konkoer 2007



Finale

Vriedig 10 fibberwarie 2006

Tennishal Stein

Prissentasie : Sjra Puts

Samensjtelling :

Jos Cremers, Stichting LVK

Ôntwerp: plan b projecten

Drök: Drökkerie van der Linden, Gelaen



Het Limburgse volkslied

“Limburg mijn Vaderland”

Waar in 't bronsgroen eikenhout
't nachtegaaltje zingt;
Over 't malse korenveld
't lied des leeuweriks klinkt;
Waar de hoorn des herders schalt
langs der beekjes boord:

refrein

Daar is mijn Vaderland
Limburgs dierbaar oord!
Daar is mijn Vaderland
Limburgs dierbaar oord!

Waar de brede stroom der Maas
statig zeewaarts vloeit;
Weeldrig sappig veldgewas
kost'lijk groeit en bloeit;
Bloemengaard en beemd en bos
overheerlijk gloort:

- refrein -

Waar der vaad'ren schone taal
klinkt met held're kracht;
Waar men kloek en fier van aard
vreemde praal veracht;
Eigen zeden, eigen schoon
't hart des volks bekoort:

refrein

Waar aan 't oud Oranjehuis
't volk blijft hou en trouw;
Trouw aan plicht en trouw aan Geus
heerst van Zuid tot Noord:



Ivo van der Bijl



Veurwoord Veurzitter Sjtichting LVK



Dit mot eine 'Stein' gooie finale waere. De lokatie is perfect en de Steinder Bök hebben zich ontzettend ingespannen om alles tot in de puntjes veur te bereiden. Tientallen vriewilligers zien maondenlang bezig um deze finaleaovund tot un onvergaetelijke gebeurtenis te maken. En det mot zeker gaon lukken.

Veur het ierst in de geschiedenis zien alle leedjes digitaal aangeleverd. Det is prima verlaupen en het heet auch neet geleid tot minder inzendingen. Dat aantal is namelijk met ein kleine 280 ongeveer gelijk gebleven aan het veurig jaor. De hoofdjury heet in twie daag alle leedjes twie kier beluusterd en beoordeild. En dao-

bei waren ze veur het ierst te gast in Tegelen. En auch det is prima bevallen.

Nao het oordeil van de hoofdjury is op de 60 euvergebleve leedjes in de halve finale 'de stum van het volk' losgelaoten. En det 'limburgse volk' heet weer masaal gereageerd door veul bonnen mit eder 8 stummen in te steuren. De bonnetellers in Eysden hebben wer veul oren gemakt.!

Veur 19 kandidaten is er nou wer de kans um in de finale met de hoogste ier te gaon strieken. Mer veur alle artiesten geldt vooral det 'mit mogen doen' al ein hiele groete ier is.

De winnaar van deze finale zal zich bei het huure van de eindoetslaag in de oeren vrieven en zich aafvraoge: 'WAT ZAETER....' Hebben wae ech gewonnen? Ze zullen heur geluk neet op kinnen. Det is ze alvast van harte gegund te mier umdet hun leedje mit de vasteloavend met veul plezeer zal waere mitgezongen door honderdoezenden Limburgers die vanaovend dankzij L1 mit kinnen kieken en luustere nao wat zich op dae buhne zal gaon aafspeulen.

Het LVK is ein neet mier weg te dinken onderdeel van ooze volkscultuur. Het guft kleur en identiteit aan de Limburger dae trots is op zien laefumgaeving en zien geweuntes. Waem is der nau nog ech bang det de 'Nederlandstalige carnavalsliedjes' ooze vasteloaves zouden domineren? Nemes toch! Dao hebben wae mit z'n allen veur gezorgd door det LVK samen zoe groet te maken.

As LVK bestuur zien wae dank verschuldigd aan alle deelnemers, sjponzers, juryleden, bonnetellers, L1 en neet in de letste plaats aan de plaatselijke



organisatie van de Steinder Bok. En dae dank speak ich vanaaf deze plaats dan auch gaer oet.

Wae zien der klaor veur, het spel staet wer oppe wagen en ich wins eederein eine fantastische finaleaovund en alle deilnemers hiel veul succes.

De luiper ken oet en wae hauwe op de kis umdet er wer veur de 30e kier ein LVK finale is.

Joep Verbugt
Veurzitter LVK

Stichting LVK

't besjtuur beschjteit oet:

*Bert Achten, Hilde Bremmers, Erik Brouns, Jos Cremers, John Habets
Stan Spauwen, Joep Verbugt, Jan Volleberg, Elise van Wordragen*

Postbus 1625 - 6201 BP Maastricht - e-mail: info@stichtinglvk.nl
www.stichtinglvk.nl - k.v.k. nr. 41071309 - bankrek.nr. 17.05.28.111



Veurwoord veurzitter Stichting Maasland Promotion



De völe vastelaovesvierders in Stein druimden al jaore van het einmaal te kénne organiseren van de Finale van het LVK in Stein mit ès gastheer de Vasteloaves-vereiniging De Steinder Bök.

Samen mit de finalisten oet Stein in 2005 nao Venray euvertuigde ôs nog mjè van ôs kandidaatstelling veur de organisasie van de finale in 2006. Dit wilde veer in Stein gaer hûbbe, hjeal Limburg laote zien dat vastelaovend in Limburg leeft.

Gruets en blie waore veer es Stichting Maasland Promotion dan aug, toen veer vernoame dat veer de LVK finale op 10 februari 2006 in Stein moagde organiseren mit ès gastheer de Steinder Bök.

Dit is toch ein van de hoogtepunten van de vastelaovend in Limburg ès veer de finalisten van het leedjes concour moage op de buhne bringe en waor L1 TV en Radio hjeal Limburg in ljaet mitgeneete van dit spektakel. De stichting LVK wille veer dan aug bedanke veur het vertrouwe dat ze ôs gegeave hubbe om dit geweldig evenement te moage organiseren.

Vööl werk hûbbe veer es Stichting Maasland Promotion verrich mit alle commissie`s die veer in ut leave hûbbe geroape. Commissie`s die bemand zin door allemaal vrijwilligers waal of neet oet út verenigingsleave in Stein en omstreken en die ôs euveral op ein geweldige manier hûbbe biegestange. De lede van de Steinder Bök die alle commissie`s aanveurden en zeurgden veur de vrijwilligers, zonger hun waor dit onmeugelijkeweas.

De Tennishal wao de finale plaatveundj, is opgebouwd tot eine geweldige narretempel mit alle veiligheidsaspecten die veur zoan evenement es dees finale vereist zin. De prettige samenwerking in de veurbereiding mit jederein gaof dich aug op de lestige momenten in dees groate organisatie steeds opnieuw weer ein extra injectie door de betrokkenheid en út entesjasme.

Samen mit al die vrijwilligers/ politie/ brandweer, eigenaar tennishal en Gemeinte Stein houpe veer uch eine geweldige accomodatatie en organisasie te hûbbe neer gezat. Veer hûbbe der alles samen aan gedaon om uch ein onvergeatelijk LVK te bezurgen in ôs Steinderbokkeriek. Ich wil mien mede stichtingsbestuurs leden bedanke veur hûnne inzatz mit die hjele völe oere die veer same in dees



organisatie gestoake hûbbe. Veer zullen same in Stein klaor stoan om al die supporters, vasteloavesvieders, 19 finalisten, sponsoren, ut LVK bestuur en de vääle genogdige te ontvangen in ôs Stein.

Veer houpe dat de finalisten die oet de 280 inzendingen gekomen zin, ôs ein hjel spannende finale bezeugen veur al die bezoekers in ôs hal of loesteraers en kiekers op radio en TV, en dat de winnaar dè helaas mer eine kent zin de vasteloavend in Limburg in 2006 compleet op ziene kop zet.

Veer es Organisatie zegge teage uch

Ammezeer uch en vier vasteloavend samen

Veurzitter Stichting Maasland Promotion
Wil Pepels



Veurwoord Burgemeister van Stein



Dit jaor zal 't Limburgs Vastelaovesleedjes Konkoer plaatsvènje in de gemeente Stein. Same mit Vastelaovesvereniging de Steinder Bök zal de organisatie zörg drage veur eine spetterende aovend.

Es burgemeister van dees gemeente bèn ich hiël grwuëtsj dat dit mega spektakel zich in Stein aafspeelt. Weer verheuge oos in Stein hiël erg op 10 februari 2006.

De aovend wurt verzörgd vanoet de tennishal, woo uiteraard ène hiëlleboel luuj aanwezig zulle zin òm dees happening Live mit te make. Degene die gein kaart hóbbe kènne kriege hoove neet te treure, auch in de hoeskamer is deze muzikale aovend te volge, dao

wurt uiteraard ein Live oetzenjing verzörgd.

't Limburgs Vastelaovesleedjes Konkoer steit al jaore garant veur eine muzikale wedstrijd van grwoatte òmvang. Deze aovend hoeft allang gein introductie mië, 't is ein evenement van grwoatte klasse. Mit ein grwoat deilnummersveldj van oet alle deile van oos provincie. Auch de Vastelaovesleedjes waere eeder jaor professioneler en dao wurt al wiet van te veure drök gemusiceerd.

Es ich kiek nao de historie is 't festival oait òntstange door de inspanninge van Bertha Paulissen. Dees vrouw waor gemeinteraodslid en wèthouwer in de veurmalige gemeente Gelaen. Zie haet zich sterk gemaakt veur de Limburgse volks-cultuur, en mit succes.

Waar in 1976 't Konkoer nog relatief klein van òmvang noe anno 2006, es 't 30 ste Vastelaovesleedje gekaoze wurt is 't LVK al jaore ein festival van formaat. Mit wènnaars oet 't noorden, zuiden, oosten en westen van Limburg. De 1ste pries veur de Vastelaovend van 1977 waor 't Mestreechse leedje "Vaan Eysde tot de Mookerhei". 't Leedje van 2005 kaom oet Bor mit de titel "Wat zaeter".

Noe mer aafwachte wae anno 2006 mit de iër geit strieke en de Bertha Paulissen Baeker in òntvangst maogt numme, Stein mesjien?

Vanaaf dees plaats wunsj ich eederein: organisatie van 't Limburgs Vastelaovesleedjes Konkoer, Vastelaovesvereniging de Steinder Bök, de deilnummers en eederein dae op welke meneer dan auch betrokke is bie 't Leedjeskonkoer eine biezunjere, muzikale, gezellige en fiëstelikke aovend toe!

Anton Barske

Burgemeister van Stein



LOUP TOCH NEET NAEVE DIEN SCHOON MERIE

Gezônge door : De Kammeräödjies
Tekst : Arnold Wassen

Plaats : Venlo
Componis : Wim Roeffen

Vers

Merie is ein kind, det haet ze-ve-tiën heud
Van hoés oét van hiël gooien doon
Merie is ein maedje met vuel 'aan de veut'
En TOCH löp 't naeve zien schoon
As ik um zeen loupe, dan zegk ik, "Merie,
Dich treejs dalik ein eine nagel,
Drek kriegs dich de "ingelse griep" nondepie
Want weej kriege sniëje en hagel
Kôm, stel dich neet zoë aan,.....en trek dien schoon weer aan.....

Refrein

Loup toch neet naeve dien schoon, Merie
Drek traeye ze dich op dien tiëne
Loup toch neet naeve dien schoon, Merie
Drek kinse dich plaosters gaon liëne
Dich löps 'in de gater', dich maks 't te bônt
Kôm, blief astebleef met dien bein op de grônd
En geisse weer loupe, dan môsse det doon
Maar dan waal....., maar dan waal,
Maar dan waal met de veut in de schoon

Vers

En daags veur d'n optoch goof het mich geliëk:
"Ik dink det ik anders gaon doon
Ik wil ouk ens leuk zien en néét allein riëk
Ik gaon mich verkleije as kloon"
Ein touw um de inkels, mien schoon hange d'raan
Zoë schravel ik viëf kilomaeter
Ik loup, en de schoon kômme achter mich aan
De zuus waal, wie leuker wie baeter
Dan huurse langs de kant:.....Uig dao!, Merie, waat kwant.....



GROEËTSTE GEKKE KNOÛWEL

Gezônge door : De dreej Wieerter Tenoren
Tekst : Mark Bouwmans

Plaats : Wieërt
Componis : Ronald Moonen
& Mark Bouwmans

Koeplet 1

Noow stéltj uch efkes vuuër 't és zoondigmêrge
de vastelaovundj âmpere aane gang
Gae gaotj uch in eur pekske neet verbêrge
want lekker és mer eine vînger lang
Mer zjuust aszje wiltj gaon, zeeje 'm staon dae kale kak
gestriktj doeër 't nondedjuuke en geklédj in't zoondus pak

REFREIN

Dao zaktj mich de boks van op m'n kni-jje
det keumtj in de gekste droum neet vuuër
Noow kiektj 'm dao staon, waat 'ne bli-jje
dae hieët van z'n eige streek 'n kluuër
Dao zaktj mich de boks van op m'n kni-jje
wi-j spuuëltje 't van z'n laeve klaor
Dan kujje uch zelf toch good li-jje
dit és de groeëtste gekke knoûwel van 't jaor

Koeplet 2

Noow stéltj gae wetj van Toëte nog van Blaoze
en treftj met vastelaovundj inne stad
Di-j polonaise-waggelendje gaoze
dan dînkde toch "mankieëre di-j neet wat?"
Want gek és dan normaal, kân neet, kân waal, mer zoeë 'ne mins
dae huuër ich haardop dînke "zégk zeejjae e bitje kins"



'T LÈTSTE LAOK

Gezônge door : De Drie Geliënde
Tekst : Maurice Pluijmakers

Plaats : Hòlsberg
Componis : Jos Gijzen &
Maurice Pluijmakers

REFREIN

Luuj, d'n oetsjlaag van d'n optoch kump get later,
want v'r mótte effe wachte op de gater.
Effe wachte nog... dat mót toch kinne,
want 't lètste laok is nog neet binne.
Luuj, d'n oetsjlaag van d'n optoch kump get later,
want v'r mótte effe wachte op de gater.
Kom, houd uch allenei get aan de praot,
Want 't lètste laok löp nog op sjtraot.

Couplet 1

D'n optoch bleef mer doere, dae trok zich vööl te lank.
Dat loog aan alle laoker, die kaome neet op gank.
't Lètste laok dat sjting mer te dreije in de boch,
en wie 't dao veurbie waor sjpronge v'r gater in de loch.
't Saoves veur d'n oetsjlaag höb v'r oerelang gewach,
meh toen klonk 't verlossend woord, de president dae zag:

REFREIN

Couplet 2

Ich bin mer oetgegange, ich mós 'ns op de loch.
In alle heuk en gater höb ich nao dat laok gezoch.
Dao kins te dich mit kölle, zoa'n gaat dat is gewieks,
en es te 't te pakke höbs dan is 't drie kièr nieks.
Meh wie ich weer nao binne gong, de zaal waor aan de kaok.
Die houwe 't gehad van al 't wachte op dat laok.

REFREIN (2x)



ÓS KEFEE

Gezônge door : Ben Verdellen
Tekst : Ben Verdellen

Plaats : Blierik
Componis : Ben Verdellen

Refrein

La,la,la,la,la 't is al weer zoeëwièt
La,la,la,la,la, ik bin d'n teks weer kwièt
La,la,la,la,la wao kump det toch van haer?
Leet det aan mich,of leet det aan 't beer?
Leet det aan mich of leet det aan 't beer?

Vers

Maorejen ik erger mich ik kin neet ein refrein
Maar ik truës mich met de wetenschap ik bin 't neet allein
Wie later det d'n aovend wuurt beej ós in 't kefee
Kómme d'r van die lallers steeds mier beej
Dao stónd d'r eine naeve mich dae man kwaam neet van heej
Toch zóng daen druuge alles mei beej ós in 't kefee
Ik snapte dao gen jota van hae waal en ikke neet
Maar wie ik good deej luustere klónk zien leed.



ÓS VASTELAOVESHART

Gezônge door : De koel klöppele
Tekst : Henk Peters, Ben Erkens,
Jo Deusings, Georg Bakx

Plaats : Gelaen
Componis : Henk Peters, Ben Erkens
Jo Deusings, Georg Bakx

Refrein

Klop dien hart veur de vastelaovend
Dan klop et auch veur mich
Klop dien hart veur de vastelaovend
Dan klop et auch mit dich
Al bèste drier daag 'n bietje beklop
Mit dien heudje, naeske en dien pruukske op
Es dien hart veur Limburg sjleit
Dan weit ich van besjeit!

Couplet 1

Hiej in Limburg höb veer ós manere,
Klasjenere, gezellig ammezere
Mit vastelaovend gaon veer veur de sjpas
Veer haole drier daag alles oet de kas!

Refrein (1x)

Couplet 2

Al mien leefde wil ich aan dich gaeve
Doe bès 'n maedje veur 't ganse laeve
De vastelaovend brach ós tweè biejein
Veer make drier daag sjpas mit jederein!

Refrein (2x)



D'R OPTOCH

Gezônge door : July en de Muppe
Teks : Ger Prickaerts

Plaats : Gebrook
Componis : Ger Prickaerts

Refrein

Verduld, verduld, ze hubbe os wear gekuld!
D'r optoch sjteit wear op 'nne knoa!
Verduld, verduld, ze hubbe os wear gekuld,
d'r vuuroetgang is blieve sjtoa!
In plaatsj datter geit, sjteiter!
Dink toch mer neet noe geiter!
Geduld, geduld, nog effekes geduld
pis 't ein loak 't anger vult!

Couplet 1

Ooch groeëte loaker trikke mit
mer 'n nummer hubbe ze nit
zoeë weate v'r va nieks!
Doe steis vuur kukevleisj
doe wits neet wie 't heisj
wat 't vuursjtilt woeëste noe noa kieks!
'T loak dat sjteit en bliet mer sjtoa
en 't volgende loak is al doa!

Refrein

Couplet 2

Die mit de mutsje boave drop
en de handy's aan d'r kop
die regele dit perfek!
Ze lope op en aaf
en belle alles aaf
mer de mitwerkers zint wear i gesjprek!
Hallo, hallo rope ze oet
mer 't geit ginne meter vuuroet!

Refrein

(2x herhalen - bij tweede herhaling laatste zin:)
pis 't ein loak 't anger had gevuld!



AS 'T AOVEND IS

Gezônge door : W-dreej: Hay Wilders,
Quinn Warmerdam, Christel van Rijn
Tekst : Quinn Warmerdam

Plaats : Venlo
Componis: Quinn Warmerdam

REFREIN

As ut aovend is,
Gaon weeje allemaol op paad.
In det broén kefeeje,
Bliëve weeje wies 's aoves laat.
En dan zinge weeje,
Och, waat waas ut waer geslaag!
Zónnen aovend winse weeje ôs noow alle daag.

VERS

Wis geeje det van det kefeeje,
Det klein kefeejke in de stad,
Dao deurt vastelaovend,
Dreejhónderdviefenzestig daag.
Hesse kriebels net wie weeje,
En ouk nog neet genóg gehad.
Dan gangk ens mei venaovend.
Det ut gezellig waere maag

VERS

Weeje en geeje en ouk de res,
Begríepe good wao-ut um dreijt.
Maak plezeer en lach!
Laot zeen desse't hiél gezellig vinds.
Dink maar aan dees laevesles,
Wies 'smorgesvruug ut haenke kreijt.
Geneet dus ouk vannach,
Dan bisse ein hiél gelökkig mins.

Brök

Kiék noow ens efkes um dich haer,
Waat duit ôs det plezeer.
Dus staek die hand maar in de lôch,
Weeje zien weer mit man genóg.....

Slot

Morge guëf ut weer zónnen aovend wie vandaag.



EI POT NAAT!!

Gezônge door : 4 op 'n riej
Tekst : Herman Geenen

Plaats : Werment
Componis : Huub Lemmens

Couplet 1

De pap dae kump oet Roggel,
mien mam oet Lötterao.
Mien tant diej woont in Zöstere,
de nònk in Kirsjrao.
Mer èns per jaor dan sjnap v'r òs biejein,
en zègk v'r taegenein.

Refrein

Al kumste oet 'n sjtad of oet 't kleinste gaat,
't beer sjmaak euveral nao beer,
de limmenaat nao limmenaat.
Veer tappe allenèj hiej oet 't zelfde vaat,
mit vastelaovend is gans Limburg ei pot naat.
Dat is zoa sjòn, dat is zoa sjoen,
dat is zoa sjoan, zoa sjoon, zoa schoën.
Al kumste oet 'n sjtad of oet 't kleinste gaat,
mit vastelaovend is gans Limburg ei pot naat.

Couplet 2

Al bèste enne Jocus,
Marot of Tempelaer.
'ne Wènk-, Sjmaut- of Haverbuul,
of enne Sajelaer.
Mer èns per jaor dan veule veer òs ein,
en zègk v'r taegenein.

Refrein (2x)

Al kumste oet ...
...
Ei pot naat!!!!

**SCORE**

	<i>Midden-Limburg</i>	<i>Belgisch-Limburg</i>	<i>SMS-Stemmen</i>	<i>Noor</i>
1. <i>Loup toch neet naeve dien schoon Merie (Venlo)</i>				
2. <i>Groeëtste gekke knoûwe! (Weert)</i>				
3. <i>'t Leste laok (Hulsberg)</i>				
4. <i>Ós Kefee (Blerick)</i>				
5. <i>Ós vastelaoveshart (Geleen)</i>				
6. <i>D'r Optoch (Hoensbroek)</i>				
7. <i>As 't aovend is (Venlo)</i>				
8. <i>Ei pot naat!! (Urmond)</i>				
9. <i>Neet te geluive! (Maastricht)</i>				
10. <i>Hebbe weej gedruimp? (Tegelen)</i>				
11. <i>Faala! (Alaaf Angesj-om) (Stein)</i>				
12. <i>De köning te riek (Ulestraten)</i>				
13. <i>Volle bak! (Helden)</i>				
14. <i>Dat zit bie os in de familie (Limbricht)</i>				
15. <i>De loupende gezèt (Montfort)</i>				
16. <i>Sjtamele (Heerlen)</i>				
17. <i>Puun miech 'ns (Maastricht)</i>				
18. <i>Zoë vruug (Tegelen)</i>				
19. <i>Dao kump os geine aan (Geleen)</i>				

[illegible]



NEET TE GELUIVE!

Gezônge door : De mestreechter kompenei
Tekst : Ursula & Bert Garnier

Plaats : Mestreech
Componis : Ursula & Bert Garnier

Refr:

Neet te geluive,.. wat hei gebäörd !
't Is neet te filme, heiveur hōb iech gein wäörd,..!
En iech geluif m'n eige ouge neet
Toch is 't woer en hōb iech miech niks verbeeld,..
Neet te geluive,..wat hei gebäörd !
't Is geine druim, geluif miech op m'n wäörd!
Want nörgens aandere is 'n plek boe zoeget kin,....
't Is de zevende Hiemel boe iech bin!

Vers 1

Iech loerde naor d'n optoch, jong daan zuuste miech get goon,..
'ne Maan verkleid es vrouw, kos neet op häör hakke stoon!
Twee paoters en menier pestoer, die hōbbe zoe gesjans
En mèt alle dansmeriekes vaan euze Prins gedans!
Elvis Presley zoong en iech hōb nog getwis,..
't Is neet geloge en iech hōb miech neet vergis!

Vers 2

Iech stoont bij 'n heremenie en lachde toch zoe hel.
Um 11 klein Chineze mèt e bruudsje frikkedel.
'n Cowboy zoonder peerd mer wel mèt wagel en meziek,..
Drei sjoen gesminkde hēkse zoonge vals mer wèl geliek.
Iech zaog e duvelke al bij 't Ingelekoer,..
't Is geine flawweköl , nein wat iech zègk is woer!



HEBBE WEEJ GEDRUIMP?

Gezônge door : Thei & Marij
Tekst : Mark Bouwmans

Plaats : Tegele
Componis : Jan Derijk

Refrein

Hebbe weej gedruimp, nae dit is ongelaoge waor.
En det guuëf 't eeder jaor.
Zegk ziet geej d'r auk veur klaor?
Kniep 'ns in mien erm, of det ik wakker waer meschien
Dit liek te moeëij um waor te zien.
Weej hebbe maondelang gewach
Maar ut is nog moeëjer as ik dach
Hebbe weej gedruimp, nae dit is ongelaoge waor.
Och deurde dit ut ganse jaor.

Couplet 1

Zit ik heej te slaope of guuëf ut dit nôw ech
Kom met de auge aoep zoeëmaar eueval terech
Ik tref heej Hekse, Feeje, vraog mich aaf: wao geit det haer
Verbaas lach ik tevreeje, veul mich unnen Tvenaer
Dan vraog ik aan de Prins dae beej mich steit.
Of det de wekker dalik geit.

Couplet 2

Waat wil ik nog winse, heej is alles naovenant.
'k Zeen niks as gekke minse en bin zellef vaste klant.
Nôw mos-se toch ens kieke
Ut is einen onderrein
Wae, wae is mot nog blieke
Nae ik hald ut neet oet-ein

Ik vraog och met mien moeëj geschmienkde snoet
Wae blueës dit sprookje dalik oet



FAALA

Gezônge door : Jack van de Laar & Wim Stijnen
Tekst : Arno Op den Camp

Plaats : Stein
Componis: Arno Op den Camp

Refrein

Faala, Faala, Lavenrak Faala
Dnevoaletsav, hey, hey, hey
Lavenrak Faala
Faala, Faala, Lavenrak Faala
Dnevoaletsav, hey, hey, hey
Lavenrak Faala

Couplet 1

't is gein Sloweens of Tsjechies, neij 't is neave de deur
Mit dees daag dan zènge weer van achtere nao veur
Alaaf dat weurd Faala en Karneval is Lavenrak
En vasteloavend dao weurd Dnevoaletsav van gemaak
't doert waal effe veur totdat 't zit
mer hóbste `t te pakke deiste mit!

Couplet 2

Lèts vroeg mich miene buurman ens: söl hcid nie ejtöp reeb
Hae zaog mich deep staon dènke, dach dat ich dat neet begreep
Lös dich ein pötje beer, mer dan van achtere nao veur
Zwa haole weer 't Limburgs dialekker oet de sleur
't doert waal effe veur totdat 't zit
mer hóbste `t te pakke deiste mit!



DE KÖNING TE RIEK

Gezônge door : Gaston en zien vastelaovesvrung
Tekst : Gaston Jacobs

Plaats : Ulesjtraote
Componis : Gaston Jacobs

Refrein

Es de prins is oetgerope - zin veer de köning te riek
dan weurt de vogel aafgesjote - zin veer d'n ambras effe kwiet
neet dinke - neet vraoge - wie kump ste aan dê tik
't zit em in de gene - dat geuf os weer dê kik
es de prins is oetgerope - zin veer de köning te riek

Couplet

't Is zwa wiet - 't is zwa wiet - d'n tied dê is weer dao
dao weurt zich get in-ein gesjteelt - v'r loupe os weer nao
men vraog zich aaf wie kump men draan - wie nje is dat verzonne
wie is men och noe zêk 't mer - op dat idee gekomme
jao vraog men wie dat kint - wie nje dat dat begint ...

Refrein

Es de prins is oetgerope... enz.

Couplet

't Löp gesjmêert - 't löp gesjmêert - v'r ligêge in een deuk
wat weurt zich toch weer droet gekraomp - v'r lache os een breuk
en eederein jo gluif 't mêt - hêêt maonde loupe sjnakke
nao wat noe is dus doon de luuj - de sjpas weer same pakke
en vraog men wie dat kint - wie nje dat dat begint...

Refrein

Es de prins is oetgerope... enz.



VOLLE BAK!

Gezônge door : Groep Hômmelsjoor
Tekst : Ilse Sonderkamp

Plaats : Helje
Componis : Ilse Sonderkamp

Refrein

*Kom d'r bey! Kom d'r bey!
Want dit is, zoe wiesse zuus, precies ut richtige adres!
Kom d'r bey! Kom d'r bey!
Gae ziet vandaag, det kinse zeen, waer op uch vastelaovesbes!
Kom d'r bey! Kom d'r bey!
Al wat 'r roëd en gael en greun kiek is al hey!
Auch al is ut hutje mutje:
Wae sjuuve waal un vôtje;
Veur dich is d'r nag plak zat!
Idderein dae is der;
't Zien d'r ens zoevuul wie gister:
Zoevuul gojje hubbe wae nag noeits gehad!*

Couplet 1

*Stoan doa neet te kieke op d'n dörpel
Kom binne, maak de deur toe want ut trek
Sjmiet dien jas mer baove oppe sjtapel
Veurluipig is hey genne dae vertrek!*

Couplet 2

*Minse die neet d'roet gaon komme nurges
Dus zien wae allewiel vanne partey
Ut leefste zien wae dao wao get te doon is
Dus zek: Wao kense baeter zien as hey?!?!*



DAT ZIT BIE OS IN DE FEMILIE

Gezônge door : Kartoesj
Tekst : Guus Steinen

Plaats : Lömmerig
Componis : Guus Steinen

**** vastelaovend !!
**** 't is zo wiet !!
**** veer zin dao !!
**** noe is 't tied !!

Refrein

dat zit bie ôs in de familie,
en dat kriste neet meer droet (nae dat kriste neet meer droet !!)
zelfs tant Nel en ome Willy
gaon mèt de vastelaovend oet (die brènge sjtömning in de boet !!)
dat zit bie ôs in de familie,
auch ôs kleinste apeköp (ôs kleinste apeköp !!)
die höbbe alleney 't zelfde
noa den elfde van d'n elfde....
zo gek wie 'n sjöp !!!!!

Couplet 1

eine van ôs môt ummer zènge , dae zeuk sjpas en zal 'm vènge !
gans egaal wat auch gebeurt , da's get wat bie ôs laeve heurt ...
veer zin dao es get te doen is, dat is get wat gans gewoon is
't ganse jaorgeer sjtaot versjtèld, hób veer de daag al aafgetèld
op d'n 11e november
geit van bènne hie get los.
sjteit november op de k'lender
gebeurt get bie die van ôs

Couplet 2

Sjtufke haole, pekskes nejje, vastelaovesleedjes dreyje
zelfs die van de kawwe kantj *)kènne ôs leedjes ôngerhandj.
die van de löss, die van de klei, die van 't zand, die van de hei,
die kaome allenej - ja ech - in ôs familie good terech
hie wurd gans d'n daag gezônge
karnavalsmeziek gedreejd
't ganse hoes - baove pès ônger -
zungk dan 't hoogste leed

*) = aangetrouwde familie

wie dèk dat'r bie ôs neet emes zaet ,
dat 'r 't neet van 'ne vraeme haet ...



DE LOUPENDE GEZÈT

Gezônge door : La Bamba
Tekst : Wim Roeffen

Plaats : Mofert
Componis : Ron Roemen

Intro

De famfaar trèk um veuroet
Op ut lès de prins hoeag baove alles oet
D'r tösse-in get wages, groepe of allein
Mèt waore dinger en get kwatsj, alles doorrein
Dus höbs doe gein gezèt, kiek nao de optoch den kries doe alles mèt

Refrein

Dao achter kump d'r, dao kump d'r aan
De vastelaoveskarrevaan
Waat is d'r dit jaor allemaol gebeurd
Waem is de klos, waem is d'r aanne beurt
Dao achter kump d'r, dao kump d'r aan
De vastelaoveskarrevaan
En eederein stuit lachend ziej aan ziej
Ut ganse jaor kump weer veurbiej
Haet de sjilder zwart gewèrk
Ziene buurman dae det drek al haaj gemèrk
Geit inne optoch hallef zwart en hallef wit
Den witj drek eederein wie det noe werklik zit
Dus höbs doe gein gezèt, kiek nao de optoch den kries doe alles mèt

Refrein

Eederein sjrief in ut plat
Veur de leukste dinger zeen d'r prieze zat
Ut meiste waat d'r is te zeen is veur de gein
Mer mèt dae dörrepspolitiek wüërd ut gemein
Dus höbs doe gein gezèt, kiek nao de optoch den kries doe alles mèt

Refrein



SJTAMELE

Gezônge door : De Dörpsgekke

Plaats : Heële

Teks : Etienne Conemans & John Janssen

Componis : Huub Eussen

Koeplet 1

De zate hermenie va Heële kump d'r aa
Vier sjpieële waal get valsj mè ginne sjtuurt zich d'raa
Vier zörge vuur de sjtutting en vier zörge vuur plezeer
En es vier langs gónt sjoenkelt Heële op en neer
Ich kiek ins noa de ziekank en jóng wat zoog ich doa...
Doa sjtóng 't sjoeënte meedje en ich kroog doe ginne oa oa oa oaaaaaam

Refring

Ich goa sjtamele en zjwete es ich dich doa noe zieë sjtoa
Mit dat roeëd gesjtriepde peksjke en die vlechsjskes in 't hoar
Ich verdrink da in dieng oge die ech gluije va plezeer
Kiek ich razel noe alwer
Ich koam dich teëge, doe lachs verleëge
Mè noa d'r vasteloavend kriege vier d'r Zeëge
Vier dónt noe alles same en vier blieve óch bei-ee
Vingse dat, vingse dat gee good idee?

Koeplet 2

De zate hermenie va Heële kump wer d'r aa
Ich sjpieël da neet mieë mit mè loop d'r hingeraa
Vier hant noe óch twieë kinger en die zint al joare lid
En mit d'r vasteloavend gónt ze ummer mit
D'r Jan deë sjleet triangel, 't Lies blieës de tromboan
Ich wool dat ich kós mit doeë mè ich han ja ginne oa oa oa oaaaaaam

Refring

Ich goa sjtamele en zjwete es ich dich doa wer zieë sjtoa
Mit dat roeëd gesjtriepde peksjke en die vlechsjskes in 't hoar
Ich verdrink da in dieng oge die ech gluije va plezeer
Kiek ich razel noe alwer
Ich koam dich teëge, doe lachs verleëge
Mè noa d'r vasteloavend kriege vier d'r Zeëge
Vier dónt noe alles same en vier blieve óch bejee
Vingse dat, vingse dat gee good idee?

Ich goa sjtamele en zjwete es ich dich doa wer zieë sjtoa
Oane teng mè mit rolator en ee pleksjke um dieng hoar
Doe has sjtaar òp dieng oge, te vöal hoare in 't gezich
Óndanks dat, leve sjat haot ich va dich!



PUUN MIECH 'NS

Gezônge door : Duo X-Elle
Tekst : Gilbert Peters

Plaats : Mestreech
Componis : Gilbert Peters

Refrein

Puun miech 'ns
noe kom en puun miech 'ns
en staank dao neet zoe stief te stoon
puun miech 'ns
allèh, noe puun miech 'ns
en laot dien sjarmes mer 'ns goon
zègk leve sjat, wat hadste noe verwach
tot iech hei staon tot midde in de nach
este noe niks deis daan pak iech diech
en puun diech 'ns in die geziech

Couplet 1

Bèr is 'ne leve vrijgezèl
zoe soppegreun en altied erreg stèl
Mèt Vastelaovend góng heer oet
en ammezeerde ziech voloet
obbins stoont heer te drejje veur m'n neus
gedroog ziech hiel onwenig en nerveus
iech hob toen stèllekes gezag
wat iech vaan ederein verwach

Refrein

Couplet 2

Hiel get eurkes later kaom 'r weer
gevöld mèt gleeskes wien en liters beer
't waar plezeer dat häöm umgaof
en kaom dus lachend op miech aof
iech dach nog, jao noe springk 'r oet de band.
Toen gaof 'r miech tot sjrik innins 'n hand
lech zag, dat deiste gans verkierd
höbs diech toen zjus nog niks gelierd?

Refrein

Brök

't waar midde in de nach, wie miene jong
miech towvertouwde met 'n döbbel tong



ZOË VRUUG

Gezônge door : Sandra Geraets-Simons
& Marco Vaessen

Plaats : Tegele

Teks : Jeanne Janssen, Resi Janzen,
Ruth Schouwenberg

Componis : Jeanne Janssen,
Resi Janzen,
Ruth Schouwenberg

Refrein

Zoë vruug.. bös dôw nag noëts te laat gewaes
Ich weit neet wasse haes
Ich huër neet wasse zaes
Zoë vruug . . bös dôw nag noëts te laat gewaes
Zêk mich wasse haes

Couplet 1

Altiéd op dich wachte
Dôw lets noëts op d'n tiéd
Horloges, klokke, wekkers
Die makse altiéd kwiét
As idderein al klaor sjteit
Kumps dôw d'r nag neet aan
Weej môtte altiéd wachte
En sjtáon dèn achteraan

Dôw kumps waal 'ne kiër
Maar neemes wêt wienier

Refrein

Couplet 2

Altiéd bös dôw lêtste
Dôw bös noëts ech op tiéd
Weej sjriëve, vloke, rope
Daen tiéd zien weej wir kwiét
weej môtte altiéd belle
woë bliefs dôw nôw toch wir
normaal bösse 'n oor te laat
vendaag maar ein keteer

Dôw kumps waal 'ne kiër
Maar neemes wêt wienier

Couplet 3

Noëts bös dôw d'n iërste
Dôw wêts neet wat det is
Sjpoje, loupe, renne
beej dich 'n groët gemis
weej môtte altiéd vraoge
kump d'r nag get van
nôw is ôs gedöld ech op
wat bösse toch van plan

Dôw kumps waal 'ne kiër
Maar neemes wêt wienier

Refrein

Refrein



DAO KUMP OS GEINE AAN

Gezônge door : 4444 (Veer Veere)
Tekst : Herman Geenen

Plaats : Gelaen
Componis : Huub Lemmens

Refrein

Dao kump òs geine aan, dao kump òs geine aan,
de vastelaovend blieve ze mit de hènj vanaaf.
Dao kump òs geine aan, dao kump òs geine aan,
en es 't mot dan allein euver òs graaf.

Dae blif van òs al kos 't wat 't kos,
dae hueurt bie Limburg wiej d'n aezel bie d'n os.
Dao kump os geine aan, dao kump os geine aan
dae is van òs en daornit aaf.

1.

Sjtel dich toch 'ns veur, v'r hauwe geine vastelaovend,
de pekskes bleve ligke in de la.
Alle sjtraote waore sjtilkes en verlaote,
geine optoch, geine prins of L.V.K.
Gein road, gael, greune vlagge veur de roet,
ao sakkerdjuu, dan waor get oet, get oet, dan sjaote v'r toch kroet.

Refrein

Dao kump òs geine aan ...

2.

Sjtel dich toch 'ns veur de kasteleins hauwe besjlaote,
v'r gaon 'ns mit diej daag zellef op sjtap.
Op 't Vriettef waor de Vogelsjtruis gesljaote,
in de Zoepkoel woort gein droppeke getap.
Alle keffees diej naome dat besjloet,
ao sakkerdjuu, dan waor get oet, get oet, dan sjaote v'r toch kroet.

Refrein

Sjlot

Dae is van òs en daomit aaf, alaaf, alaaf !



Die van "Wat zaeter?!" zeen sjpraokeloos

Jao leef luuj van Limburg, zoa höbse ut groatste woord en zoa wetse niks mea oet te brenge van verwonjering. Zoa is dat ongeveer gegange mit oos, ut Böshuuske Ontsjpannings Vereiniging oet Bor, wie veer veurig jaor de winnaar woorte van ut LVK 2005, mit "Wat zaeter?!"

Dat waar get wo veer ummer van gedruimp of op gehaop hauwe, mer ut leek oos es vrunjeklupke erg wiet eweg. En dan inens gebeurt ut dich dao op eine doordewaekse vriedig in Venraoy:

doe deis mit in de finale, doe wuns ut LVK en dan geit ut loos:

Eine dolenthousiaste zaal,
ein paar korte vraoggesjprekke,
ein volgezonge trökreis nao Bor,
ein glorieus ontvangs in eige dorp,
flink feaste tot laat in de nach.

Sjmurges vreug dien nes oet veur de tillefoon, fillisaties en veur de easte optraejes en interviews. Vervolges in eine roes de waek door op waeg nao de Vastelaovend. Van hot nao her door de provincie mit es hoagtepuntj de vaste-



laoveszaoterdig mit optraejes op 8 versjillende podia, van Venlo tot Gebrook. Ooze eige vastelaovend in Bor woort zelfs ongerbraoke om te gaon zenge op versjillende plaatse. Optraejes door ut jaor haer en dan weer aanzette veur ut nuuj vastelaovessezoen. Fantasties om mit te maake.

Veur oos es groep waar ut eine geweldigge tied dae veer höbbe mitgemaak. Al die werm fillisaties, die leuke reaksies, dat entoesjaste publiek, en veural auch t plezeer in de bös op waeg nao weer ein optraeje. Dat zul veer noats mea vergaete. Veer wille dan auch gans Vastelaovendminnend Limburg bedanke, veur wat ze oos höbbe aangedaon. Mer veural auch wil veer hiej nog eine kear Ben Erkens bedanke veur zien geweldigge biedrage aan oos sukses. Ut haet Gelaen in jeder geval get korter bij Bor gebrach.

Jaomergenog blif oos rol in de finale dit jaor beperk tot äöpene. Daonao kenne veer gaon geneete van de finaliste 2006. Veer wunsje alle artieste van vanaovend heal, heal vööl sukses en veer haope dat de beste maog wenne. Geneet Der van!!

Veer wunsje uch allemaol eine geweldigge Vastelaovend!

Böhshuuske Ontsjpannings Vereiniging oet Bor
www.bov-born.nl

Dance Classics Party

Zaterdag 11 februari 2006



Gibson Brothers

bekend van
"Que Sera Mi Vida" & "Cuba"



Time Bandits

bekend van "I'm specialized"



Rose Royce

featuring Gwen Dickey
bekend van "Car Wash"



Dance Classics DJ:

Bo Bellow



Presentatie:

Corné Klijn

**Tennishal
Stein**

Zaterdag 11 feb. 2006

Aanvang 20.00 uur

kaarten € 10,00

voorverkoop:

Melk & Meer Snellings
Schildersbedrijf Pepels

Rob Stassen Stein

Fixet van de Laar Stein

Shaggy Elsloo

KEULERS

DRUKKERIJ



ontwerp: plan b projecten



TV Limburg



Limburgs Dagblad

DAGBLAD DE LIMBURGER





Euverzich Winnaars 't Limburgs Vastelaovesleedjes Konkoor


JAOR	PLAATS	TITEL / TEKSDICHTER	COMPENIS
1977	Mestreech	Vaan Eysde tot de Mokerhei , B. Salden	J. Innemee
1978	Oppe Reuver	De zaagte geej , A. Wassen	J. Theelen
1979	Gelaen	Dan kal ich plat , B. Erkens/T.Arts	B. Erkens/T. Arts
1980	Zitterd	De beierheering , H. Wijnands	H. Wijnands
1981	Remunj	De vastelaovend heurt bie Limburg , N. Reijners	N. Reijners
1982	Guttecoven	Zoa moosj 't kenne blieve , G. Steinen/J. Wauben	G. Steinen/ G. Wauben
1983	Gelaen	Mie Limburgs blood , M. Zijlstra-de Loo	B. Erkens
1984	Meerssen	Dao moste mèt lèrre léve , L. Volders	L. Volders
1985	Gelaen	Hawt 'm vas de vastelaovend , J. Ridderbeekx	B. Dijks
1986	Mestreech	Jao heij in Limburg , J. Duchateau	J. Duchateau
1987	Linne	Wiebölle , P. Evers	J. Evers
1988	Venlo	Minse wie weej , F. Boermans	G. Aerts
1989	Venlo	De knappe(rikke) , F. Boermans/G. Aerts	F. Boermans/G. Aerts
1990	Gelaen	Ich tik neet richtig , M. Zijlstra-de Loo	B. Erkens
1991	Venlo	Det is ein joekskepel op joets , S. Maaskant	J. Jacobs
1992	Venlo	Waat hebbe we 't toch good , F. Boermans/G. Aerts	F. Boermans/ G. Aerts
1993	Tegelen	'nne Late , P. van den Akker	P. van den Akker
1994	Venlo	Heej of dao , G. Aerts	G. Aerts
1995	Horst	De ganse santekraom , C. Kuipers	T. Kleeven
1996	Mestreech	Dreije !! , U. & B. Garnier	U. & B. Garnier
1997	Venlo	Had ik maar , F. Boermans	J. Gubbels
1998	Ulesjtraote	Opzie, Opzie, Opzie , G. Jacobs	G. Jacobs
1999	Mestreech	Iech höb diech weer gevoonde ! Bert & Ursula Garnier	Bert & Ursula Garnier
2000	Venlo	Josefien , Wim Roeffen & Frans Boermans	W. Roeffen
2001	Ruiver	Good geammezeerd , Ar(nol)d Wassen	Ar(nol)d Wassen
2002	Gulpen	Wie d'r Herrgot Limburg had gemaak . . . Ben Erkens	Ben Erkens
2003	Venlo	Dèh dan, dao isse Peter Jansen en Wim Janssen	Peter Jansen Wim Janssen
2004	Heële	Tweemaal aafgezeëg (en nog te kót) Paul Münstermann en Leo Keularts	P. Münstermann L. Keularts
2005	Bor	Wat zaeter?! Paul Heffels, Frank Dullens, Ben Erkens	Ben Erkens

Auwerwéts Frühshoppen

Zondagnmiddag 12 februari 2006 Tennishal Stein Entree € 6,00



DIETER



Voorverkoop:
Rob Stassen Stein
Pepels Schilderwerken Elsloo
Fixet van de Laar Stein
Melk & Meer Han Snellings
Shaggy Elsloo



ontwerp: plan b projecten